



Michael Pfäffli FOTOS G. N. STGIER




Jürg Kappeler



Jon Pult



Alessandro Della Vedova



Angelo Andina

«A la pld grischuna gievi memia bain»

Presidents da partidas davart elecziuns federalas

DA FLURIN ANDRY / ANR


■ Entant che Stefan Engler e Martin Schmid èn vegnids elegids en il cussegl dals chantuns sco spetgà è stada l'elecziun en il cussegl naziunal pli dramatica. La pli veglia partida dal Grischun nun è pli represchentada a Berna. Suenter las elecziuns federalas eran ils sentiments dal president da la pld grischuna Michael Pfäffli ambivalents: «Che Martin Schmid è vegni elegi cun in resultat uschè bun en il cussegl dals chantuns è per la pld grischuna in bel success», ha'l ditg, «che nus avain al medem mument però pers il sez da Tarzisius Caviezel sco cusseglier naziunal è natiralmain ina gronda dischillusiun.»

Pfäffli numna raschuns pussaivlas

In motiv per il nunsuccess da la pld grischuna è a l'avis da ses president che la partida nun haja savì communitgar meglier als votants la politica da la pld e quai ch'ins haja cuntanschi grazia a quella. «Jau crai era ch'i gievi memia bain, ins na saveva gnanc s'imaginar che la pld sco la pli veglia partida dal Grischun perdia ses sez en il cussegl naziunal», ha admess Michael Pfäffli. Ina raschun era sco ch'el ha

SPERDITAS MASSIVAS PER PS E PLD

Vuschs da las partidas (inclu. partidas giuvnas) da las partidas grischunas a partir da 1963. Las curvas mussan las fermezzas ed ils sezs acquistads da las sis partidas las pli fermas dal Grischun.



Sco vuschs da partida valan las vuschs da las glistas da las singulas partidas * PCD 1995: glista comunabla cun PCS Grafik: LA QUOTIDIANA

rientscha n'è betg vegni elegi al displascha in zic, «quai mussa che la regiun principala da nossa partida è la Surselva».

Ina surprisa per pps e pbd

Er ils presidents da las duas partidas che s'han separadas dal 2008 èn satisfats. «Il resultat da la pps mussa che nossa partida ha ina gronda basa er en Grischun e che la glieud enclegia nossa politica, per nus è quai ina gronda satisfaziun ed il resultat ina surprisa», ha ditg Jon Peider Lemm che presidescha la pps grischuna, «l'elecziun da Heinz Brand è uss il resultat ed ils fritgs da nosa lavur mintgant era strapatschanta.» Il president da la pbd Jon Domenic Parolini ha menziunà ch'el saja fitg cuntent cun il resultat da la partida: Da cuntanscher 20 pertschient da las vuschs suenter s'avair separads da la veglia pps avant trais onns è sco ch'el ha punctuà ina fitg bella surprisa. «Nus avain segirmain era recrutà electuras ed electurs che na guardan mo sin la partida, mabain sin las persunas.» Ch'el saja ultra da quai era persvas ch'il bun resultat saja gartegià dumengia «grazia a la politica burgaisa constructiva che nus avain fatg ils ultims onns.»



Jon Peider Lemm

continua' forse era la decisiun da renunziar ad ina colliaziun da glistas. «Alura ha nossa partida segirmain era badà ils grevs temps che la partida naziunala ha actualmain», ha supponi il president da la pld grischuna.

Grond plaschair per la paja tar ils verd liberals

Da la nova ch'il candidat da la Partida verd-liberala (pvl) Jossias Gasser è vegni elegi en il cussegl naziunal era il president da la partida Jürg Kappeler intgant: «Anc avant curt crajevan ins che nossa partida nun haja nagina schanza, uss è noss candidat vegni elegi, quai ma fa grond plaschair.» Las raschuns per quest success èn tenor el la politica consequenta da la pvl, però era la colliaziun da glista

cun la ps e cun la Verda. «Mo sulets n'avessan nus gi nagina schanza.» Dischillus èn dentant ils commembers da la Verda: «Nus avessan sperà da far var tsching pertschient ed avain fatg mo pauc dapli da dus pertschient», di il president Angelo Andina, «nus ans legrain però che la pvl ha pudì evitar in segund sez da la pps.» Che las partidas verdas sajan pli e pli necessarias, è el persvas, «perquai faschain nus en quatter onns segirmain in meglier resultat».

«In bun di per la sanestra en Grischun»

«Nus avain gust dal resultat excellent da Silva Semadeni, la quala vegn ad esser ina super-cussegliera naziunala», commentescha Jon Pult, il president da la ps gri-

schuna. Er el menziunà ch'in motiv per lur success saja stada la strategia cun la colliaziun da glistas. «L'egl che crida in zic è ch'i nun ans è gartegià, e quai mo per pauc betg, da far nus quel segund sez», deplorescha Jon Pult, «ma tut en tut è quai stà in bun di per la sanestra en quest chantun.»

Era la pcd cuntenta cun il resultat

Alessandro Della Vedova, vicepresidente da la pcd grischuna, è era satisfatg da las elecziuns: «Sco avant quatter onns èsi gartegià era questa giada da mantegnair nossa ferma posiziun en il chantun», ha'l ditg, «en vista ch'i dat novas partidas e che autras partidas han pers è quai fitg al-legraivel era per l'avegnir.» Ch'il candidat Vincent Augustin cun sia gronda expe-



Jon Domenic Parolini



Silva Semadeni (ps) ha pudì artar il sez da Andrea Hämmerle e turna puspè en il cussegl naziunal.

La Partida liberaldemocratica cun Tarzisius Caviezel sco candidat veder sto magunar ina terrada.

FOTOS KEYSTONE

